

27 September 2012

Jaargang 5 – Uitgawe 34

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za



Skakels

Webblad van die Hervormde Kerk www.nhka.org
Die Hervormer www.hervormer.co.za
e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

VOORBLAD

Klein gemeentes het 'n toekoms

...waar twee of drie in my Naam saam is, daar is Ek by hulle (Matteus 18: 20)

In Februarie 2010 stig Amanzimtoti as Gemeente Saffierkus af van Gemeente Durban-Suid, en ons bly agter met net 52 lidmate, waarvan die meeste pensioenarisse was. Baie mense het gevra: Wat gaan van hierdie gemeente word? Buitestanders het die voortbestaan van die gemeente bevraagteken en ons selfs beskryf as 'n sinkende skip.

Na afstigting was die gemeente verslae. Daar was moedverlorenheid, teleurstelling, hartseer, maar ook ongekenende hoop, geloof, handevat, saamwerk en saambid.

'n Deeglike situasieontleding het baie remmende en helpende faktore uitgewys. Die remmende faktore het die helpende faktore ver oorskry: Ons was min lidmate, die meeste van ons gemeentelede was pensioenarisse, ons maandelikse inkomste was so min dat ons nie naastenby 'n predikant kon bekostig nie, en ons geboue en gronde was in 'n swak toestand. Daar was nie eens sprake daarvan dat ons die dienste van 'n orrelis, koster, skriba of kassier sou kon bekostig nie, en daar was min lede in die gemeente wat leiding kon neem – 'n groot gedeelte van die gemeente se denke was vasgevang deur die idee dat alles in Durban-Suid moes bly soos dit altyd was. Die positiewe was min: Die meeste lede was gemotiveer om te oorleef en voort te gaan, die Algemene Kommissie en kerkleiers was oortuig dat daar steeds 'n Hervormde Kerk op die Bluff in Durban moes wees. Verder was 'n gepensioeneerde predikant en sy vrou bereid om in die gemeente te kom werk.

Na 'n kort periode van rou, met die geopende Bybel, die oë na bo en die knieë gebuig, het die gemeente aan die werk gespring. Ons doel was nie om weer 'n groot gemeente te word nie, maar om die werk waarvoor die Here sy kerk roep, te doen. Met Handeling 2, die eerste Christelike gemeente se funksionering as grondplan, het ons besluit ons wil kerk wees waar Jesus in die middelpunt staan en die Bybel die lig op ons pad is. Verder: Ons wil vashou aan die tradisies van die Hervormde kerk maar dit so inkleef dat dit vir die mense van die Bluff, hier waar ons woon en werk, sinvol koers en rigting in die lewe gee. Ons wil so funksioneer dat ons lidmate in die gemeente 'n tuiste vind en die ware gemeenskap van gelowiges beleef. Ons wil 'n gestuurde kerk in die wêreld wees, maar tegelyk dié wat reeds deel is van die gemeente se geloof verryk. Met die erediens as hart van die gemeente, wil ons 'n ingesteldheid, 'n gees van liefde wat uitmond in konkrete aktiwiteite van saamwees, omgee, gasvryheid en hartlikheid bou. Ons wil so 'n gees bou dat mense wat buite die Kerk is graag deel van ons gemeente sal wil wees. Hierdie breë grondplan het uitgemond in kreatiewe eredienste, pastorale gesprekke en ondersteuning veral aan mense in nood, uitreiking met die evangelie na mense buite die gemeente, weeklikse teedrink na die erediens, gereelde toerusting en sosiale byeenkomste van wyke, seniors, dames, kinders...

Ons gebede is verhoor en word steeds verhoor. Vandag, twee jaar later, bestaan die gemeente steeds, maar nou nie meer met net 52 lidmate nie, maar met 82. God hou self sy kerk in stand. Waar twee of drie in sy Naam vergader, is God self teenwoordig. Die Heilige Gees werk steeds. Aan God alleen die eer.

Prof Bieks Beukes

BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhka.org te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.



Ds Marius Bacon

Beroep ontvang

- **Ds Marius Bacon** van El-Flora na Warmbad

Vakante standplase

- **Gemeente Duncanville** in Vereeniging beskik oor 'n **vakante voltydse standplaas**, en het die proses begin om 'n beroep uit te bring. Enige belangstellende predikant of proponent kan 'n CV **voor of op 30 September 2012** stuur aan die sekretariële beampte, mev Jeanné Venter, by info@continentalgardens.co.za. Die kerkraad is nie verplig om uit die groep aansoekers 'n beroep uit te bring nie.
- **Gemeente Randfontein Midpark** beskik oor 'n **vakante voltydse standplaas**, en beplan om eersdaags te beroep. Die gemeente bestaan uit 380 belydende lidmate met 'n gemiddelde ouderdom van 45 jaar. Predikante met bedieningservaring van tussen 3 en 8 jaar word genooi om met die gemeente in verbinding te tree (traktement volgens die skaal 3 tot 8 jaar). Die gemeente behou die reg om enige predikant van die Kerk te beroep, en is nie verplig om net uit die persone wat met die gemeente geskakel het, 'n keuse te maak nie. Belangstellendes kan met die skriba, mev Hester Esterhuizen, by 011 692 3236 skakel, of met ds Wilhelm Steyn by 012 348 2932.

PREDIKANTE EN GEMEENTES

Stuur asseblief berigte oor lief en leed aan produksie@nhk.co.za.

- **Prop Annalize Rossouw en ds Pieter Rossouw se vader** is Woensdagaand 19 September skielik oorlede. Ons innige meelewing gaan aan Annalize, Pieter en hul familie.
- Emerituspredikant **ds Wynand de Beer en sy vrou, Rika**, was verlede week in 'n ernstige motorongeluk op hul plaas betrokke, en is albei tans in 'n hospitaal in Pretoria. Ons bid dat hulle spoedig en algeheel sal herstel.
- Die Kommissie van die Algemene Kerkvergadering (AKV) het by sy vergadering vroeg in September besluit om **prop Sanet van der Walt**, kragtens die bilaterale ooreenkoms met die NGK, in die Hervormde Kerk **beroepbaar** te stel met onmiddellike effek.
- Die afgelope naweek se **Konteks-Bybelvasvra** het baie goed afgeleef. Geluk aan die wenspanne. Hulle is van gemeentes Sionspoort (Laerskool), Potchefstroom-Noord (Hoërskool), Verwoerdburg (Jong Hervormers) en Klerksdorp (Ope Afdeling). Kyk gerus op die Facebook-blad *NHKA Landswyde Bybelvasvra* vir nog foto's en uitslae.
- Die **gemeente-tellingvorms** vir Augustus 2012 wat onlangs aan alle gemeentes en predikante gestuur is, moet **voor of op 28 September** ingedien word. Ons maak staat op u vriendelike samewerking.
- Gemeentes moet hul **bestellings vir die kerklike tydskrifte** asseblief teen **1 November** aan mev Susann van Zyl stuur by sentik@nhk.co.za of faks 086 633 4054. Die pryse vir 2013 is soos volg: *Konteks* 10 uitgawes teen R150 (R18

Bydraes vir moontlike plasing in die *e-Hervormer* moet asseblief teen Dinsdaemiddae 16:00 **OP DIE LAATSTE** na produksie@nhk.co.za gestuur word.



Prop Sanet van der Walt

Bybelvasvra



per individuele eksemplaar), *Die Hervormer* 11 uitgawes teen R110 (R12 per individuele eksemplaar), en die *Almanak/Bybelse Dagboek* teen R120.

- Talle van die Kerk se **emeriti** wil graag die **kerklike tydskrifte** (*Konteks* en *Die Hervormer*) en die *Almanak/Bybelse Dagboek* ontvang maar kan dit nie bekostig nie. Lesers wat bereid is om 'n **bydrae** te maak sodat die publikasies gratis aan emeriti voorsien kan word, kan hul bydrae inbetaal by die volgende bankrekening: **Raad van Finansies; ABSA; tjekrekening nommer 020-000-287; takkode 632-005; verwysing SENTIK-EM.**
- Die **12de preekskets**, deur **dr Christo van der Merwe**, is op Vrydag 21 September aan predikante gestuur; dié preekskets handel oor Romeine 8: 18-30, en sluit aan by Koninkryktyd. **Lidmate** kan gaan na www.nhk.co.za (of www.nhka.org) → So werk ons → Toerusting → In Christus se voetspore vir agtergrondinligting en 'n paar vrae oor die betrokke teksgedeeltes wat gesprek in die gemeente kan stimuleer.
- **Borg kilometers en help ons bejaardes.** Soos berig in vorige uitgawes van die *e-Hervormer*, het Magda van Deventer (redakteur van die Algemene Diakensvergadering se bylaag in *Konteks*) en 'n stapmaat, Avrienne Maritz, 'n gedeelte van 'n pelgrimsroete, die Camino de Santiago in Spanje, gestap. Hulle het dit voltooi en **in totaal 230 km gestap**. In die proses het hulle, deur middel van borgskappe, geld ingesamel vir die Aksiegroep vir Bejaardes (AGB) van die ADV. Baie dankie aan almal wat bydraes gemaak het – die geld sal optimaal aangewend word vir dienswerk aan bejaardes. Enigiemand wat nog kilometers wil borg of ander bydraes wil maak, se bydraes sal baie waardeer word. Skakel asseblief die ADV se kantoor by 012 322 8885 x221, of stuur 'n e-posboodskap aan Sonet Esterhuizen by diens@diakens.co.za en laat u borgskap aanteken.
- **AKSIEGROEP VIR BEJAARDES: 'n Wenk vir bejaardesorg**
Indien bejaardes huis- en tuinwerkers in hul diens het, bied aan om 'n afskrif van die werkers se ID-dokumente te maak en te bewaar op 'n plek waar dit maklik gekry kan word. Baie aanvalle op bejaardes vind plaas deur vertrouelinge in hul diens. Vir meer inligting oor bejaardesorg, gaan kyk gerus by www.diakens.co.za.
- Die **Studentegemeente Philadelphia** beskik oor 'n **vakante pos** vir 'n **Gemeentebestuurder**. Die gemeentebestuurder staan die predikante by in die praktiese uitvoering van die aktiwiteite van die gemeente oor die algemeen, maar is ook verantwoordelik vir die implementering van die jaarlikse gemeenteplan. Die gemeentebestuurder moet 'n logiese, sistematiese, praktiese en planmatige persoon wees wat natuurlik en gemaklik in spanverband kan werk. Dit is kritiek belangrik dat die gemeentebestuurder 'n taakgeoriënteerde, uitsetgerigte en selfgedrewe persoon moet wees wat eie inisiatief kan neem om take volledig af te handel. Die pos vereis dat die betrokke persoon oor die volgende vaardighede beskik: die vermoë om komplekse take te koördineer, goeie kommunikasievermoë, sterk administratiewe vaardighede en goeie beplanningsvermoë. 'n Mededingende pakket word aangebied. **Sluitingsdatum vir aansoeke is 15 Oktober 2012.** Stuur u CV na philadelphia@nhk.co.za.
- **Gemeente Ottosdal** benodig 'n gekwalifiseerde **orrelis**. CV's kan gefaks word na 086 632 8148 of per e-pos gestuur word na ottosdal@nhk.co.za. Navrae aan die gemeentelike kerkkantoor by 018 571 0200. **Sluitingsdatum vir aansoeke 16 Oktober 2012.**
- **Gemeente Benoryn** beskik oor 'n vakature vir 'n **orrelis**. Stuur aansoeke aan die gemeentelike kerkkantoor vir aandag Annette: benoryn@telkomsa.net; kontaknommer 011 849 1179; of ds Marlize Gasson: dominee@vodamail.co.za; kontaknommer 011 849 3266 of 072 117 0317.





- **Gemeente Durban-Suid** benodig **predikante** om op die volgende tye te preek:
 - 25 Desember om 07:00
 - 30 Desember om 08:30
 - 6 Januarie 2013 om 08:30Skakel prof Biëks Beukes by 072 036 4960 of Isabel Dirker by 031 467 7793.
- **Preekbeurt in Dullstroom.** Predikante kan by Gemeente Dullstroom preek en gratis verblyf vir die naweek kry. Die gemeente bied gratis verblyf vir 'n **predikant en sy/haar gade** in ruil vir die gratis preek; **een** voorskoolse kind kan gehuisves word. Daar word voorsien vir **twee nagte**; indien u 'n ekstra nag wil oorbly en ekstra mense bring, moet u dit **vooraf** met Jan Bette by 073 790 3357 bespreek; die derde nag en ekstra mense is op u eie koste. Kontak Johanna by 072 116 3353 of nhkdullstroom@yahoo.com.
- **MRCC: 12de Algemene Kerkvergadering (Sinode)**
Maandag 1 tot Donderdag 4 Oktober 2012
Skogheim-konferensiesentrum, Port Shepstone, KZN
Amptelike opening Dinsdag 2 Oktober, gelei deur ds Jan Mamabolo

Spesiale eredienste en feesnaweke

- **Optrede van leerders van Prinshofskool en Transoranje-skool se gebaretaalkoor**
Sondag 28 Oktober om 08:00: Gemeente Midrand
Navrae aan ds Paula Eksteen-Erasmus by 011 702 3046 of 083 282 5121
- **Gemeente Swartkop: Sondag 28 Oktober: Nagmaaldiens**
Herdenking van 40-jarige bestaan
Gelei deur ds David Barnard, lank predikant in die gemeente
Oudpredikante sal die tafels bedien
Navrae aan Hannelie Beytell by 012 654 3471 of nhswkop@telkomsa.net
- **Gemeente Dullstroom: 2-4 November**
Viering van 125ste bestaansjaar
(Gestig 2 November 1887)
Oudlidmate, oudpredikante en konsulente
kan foto's/ervarings/gelukwensings stuur
Almal welkom om saam te kom feesvier
Navrae aan Johanna Pieterse by 072 116 3353
- **Gemeente Glencoe: Vrydag 7 Desember: Tyd later bekend**
Buitediens op walle van die Wasbankrivier, distrik Glencoe,
waar die Gelofte die eerste keer afgelê is
Kliplegging na die diens
Almal welkom
Bring 'n klip van jou omgewing saam met die naam van jou gemeente
Kontak ds Pieter Bester by 082 899 6564 / 034 212 1815
pieterbester@telkomsa.net

Predikanteverjaardae

- **Die volgende predikante verjaar tot 5 Oktober, en word hartlik geluk gewens.**
 - Vrydag 28 September: Prof Natie van Wyk (AIM)
 - Saterdag 29 September: Ds Buddie Dupper (Amsterdam/Piet Retief/Pongola)
 - Sondag 30 September: Di Jan Schroeder (emeritus) en Mariëtte van der Berg (buiteland)



- o Dinsdag 2 Oktober: Prop Hendrik Breytenbach (studerend) en ds Charel van der Berg (Ladysmith)
- o Woensdag 3 Oktober: Prof Bart Oberholzer (emeritus) en ds Piet van der Merwe (emeritus)
- o Donderdag 4 Oktober: Ds Schalk Kok (Potchefstroom-Noord)
- o Vrydag 5 Oktober: Ds Leon Janse van Rensburg (Namibkus)

Beplande vergaderings

- Vrydag 28 September: Komitee vir Ouderlinge
Welstand van gemeentes en predikante
- Maandag 15 Oktober: Raad vir SENTIK

Kursusse en toerusting

- **Gemeente Glencoe: Toerustingskursus: Saterdag 20 Oktober**
Op reis – 'n dienswerkreistas
Deur ds Hannes Janse van Rensburg van Zuurfontein
Registrasie 08:00, kursus begin om 09:00
Koste R60
Kontak ds Pieter Bester by 082 899 6564 / 034 212 1815
pieterbester@telkomsa.net
- **Ring van Oos-Kaapland: Predikantewelstand: 23-26 Oktober**
Wilgerfontein-wildsplaas, Oos-Kaap
Veilige ruimte waar jy oor alles kan praat wat in jou lewe en bediening gebeur
Terapeut/mentor is byderhand met wie jy met vrymoedigheid kan praat
Geleentheid om alleen met die Here tyd deur te bring
Herontdek jou krag en skep nuwe drome
Daarop gerig om ons Kerk se predikante te verryk
en binne 'n ondersteuningsnetwerk te motiveer
Navrae aan dr Johan Nel 083 400 0267 of ds Danie Taljard 082 901 2021
- **Gemeente Pretoria: Woensdag 31 Oktober vanaf 09:00**
39ste Kongres van die Kerkhistoriese Genootskap
Tema: *Die Godsbegrip – Reformatoriese perspektiewe*
Opening deur prof SJ Botha
Prof IWC van Wyk (AIM): *'Die eerste gebod en die God van die eerste gebod'*
met verwysing na Philipp Melancthon en Zacharias Ursinus
Prof CFC Coetzee (Noordwes-Universiteit): *Die Godsbegrip soos dit deur die Heidelbergse Kategismus begrond en bely word*
Ledevergadering 11:30-12:00
Afsluiting 12:00
Uitstalling van gedenkpenninge en historiese munte
Navrae aan dr JMG Storm (083 308 1030 / nhmeyerspark@lantic.net)
of dr Christo Pretorius (083 651 9634 / praetorc@telkomsa.net)
- **Voortgesette Teologiese Toerusting vir Predikante (VTT)**
Dinsdag 6 en Woensdag 7 November
Tema: *Missionale Diakonaat. Saam in diens met verstand, hart en hand*
By Gemeente Wapadrant
Koste **R320** per persoon
Verwittig mev Betsie Brits **voor 22 Oktober** van bywoning
Per e-pos (betsie.brits@up.ac.za) of per faks (012 420 4303)
Registrasiefooi verkieslik vooraf elektronies of per bankdeposito
Kerkgeld vir Kerkwerk; ABSA; rekening nommer 020 149 752;
kode 63 20 05; verwysing 2013K VTT (gevolg deur naam van kursusganger)

Beskikbare behuising

- **Ons Tuis (Riviera)**
Tehuis vir versorging van verswakte bejaardes het tans plek beskikbaar
 Volledige versorgingsfasiliteit wat insluit:
 - o 24-uur mediese versorging
 - o 3 maaltye per dag
 - o Sekuriteit
 - o Gereelde sosiale aktiwiteite
 Vir meer besonderhede, skakel matrone E Mans by 012 329 3623
 Aansoekvorms kan afgetrek word van www.otmt.org
 of kontak H Fourie by 012 325 1857 om aansoekvorms te stuur
- **Andries-Marié Oosthuizen Monumenttehuis (Parys)**
Behuising vir seniorburgers
 Daar is tans die volgende behuising beskikbaar:
MET VERSORING
 1 dubbelkamer (verkieslik 'n egpaar) – 24-uur-versorging
 Koste per persoon R5 500 per maand
 (sluit in 3 etes per dag, wasgoed en kamer skoonmaak), opnamefooi R3 000
SELFVERSORING
 - o A-gang: 1 enkelkamer, R3 050 per maand
 (ingesluit 3 etes, wasgoed en kamer skoonmaak 1 x per week)
 - o B-gang: 1 dubbelkamer (egpaar) – R3 050 per persoon
 (ingesluit 3 etes, wasgoed en skoonmaak van kamer 1 x per week)
 - o H-gang: 1 ruim kamer met eie badkamer, stoepie en tuintjie
 (ingesluit middagete) – R3 000 per maand
 Eenmalige opnamefooi van R3 000
 Ondersteunende dienste beskikbaar
Kontak matrone Alet Botha by 056 811 2185 vir meer besonderhede

Jy is deel van God se plan

R50,00
 13 Vroue. 13 Lewensverhale. In die Bybel opgeteken sodat ons uit hulle lewe kan leer, hulle foute kan vermy, en veral hulle geloofsmoed kan navolg. Hulle was nie alleen nie. God was by hulle.

e-aankope: www.bybelmedia.co.za

Konserte en feeste

- **Sondag 7 Oktober om 18:00: Gemeentes Primrose en Primrose-Oos**
Christelike toneelstuk deur Delta C: *'n Nuwe lewe*
 Ten bate van **Graad 1 Bybelprojek**: Elke jaar word 'n Bybel aan elke nuwe graad 1-leerling in Primrose geskenk
 Volwassenes R50, kinders R30 (sluit ribburger in)
 Navrae per SMS aan Chris de Wet by 082 699 2295

Kampe en toere

- **Toer op Bybelse voetspore...**
Egipte, Israel en Jordanië
 4-18 Desember 2012



Kontak ds Hannes van der Merwe by 082 575 1979
of hannes@pretoriaoos.com vir meer inligting

Kompetisies en fondsinsamelings

- **Gemeente Brits: Boufondsversoek**
Dra by tot die gemeente se boufonds
SMS **KERK** na **48716** en dra R10 by
Fondse word gebruik om die geboue te herstel
Meer as een SMS is baie welkom
Navrae aan ds Kobus Celliers by 012 252 0158
- **Gemeente Hartebeeshoek: Fotokompetisie**
Tyd om kameras op te neem en te begin soek na *VOETE* en/of *SKOENE*
Tema: *In sy voetspore*
Reëls en voorwaardes geld
Goeie pryse met professionele beoordeling
Kontak Theresa Oosthuizen by theresa@northernfoods.co.za
- **Gemeente Leeudoringstad: Kompetisie om Doringfees bekend te stel**
Pakkette beskikbaar, ook aan gemeentes
R1 000: 20 boekies ter waarde van R10 000
(gemeente kan dus R9 000 wins maak)
R2 500: 50 boekies ter waarde van R25 000 (wins R22 500)
R5 000: 100 boekies ter waarde van R50 000 (wins R45 000)
Kaartjies slegs R50 elk – en 11de kaartjie in die boekie is gratis
Trekking Saterdag 29 September om 12:45
Kontak Berno Robinson by 082 395 9241
- **Gemeente Horison Roodepoort: Naweek van 26-27 Oktober**
Liturgiese blommeskou by die kerk
Alle blommerangskikkers word genooi om in te skryf
Vir meer inligting of 'n inskrywingsvorm, kontak Hannie Cripps by 084 549 4102
- **Gemeente Kampersrus: Vakansiekompetisie**
Trekking: 27 Oktober
Wen naweek ter waarde van R28 000
3 nagte verblyf vir 2 persone in 5-ster Kapama Lodge
(alle etes asook wildritte ingesluit)
Olifantritte, lugballonrit, spabehandeling in hartjie van Bosveld
Besoek aan Cheetah-projek in Hoedspruit
R2 000 sakgeld
Kaartjies R100 elk
Navrae aan ds Marius Kramer by 083 310 6042
of by gemeentelike kerkkantoor kampersrus@nhk.co.za

Basaars en markte

- **Vrydag 28 tot Sondag 30 September: Gemeente Zeerust**
Bosrumoer
By Doornrivier 4x4, Zeerust
Kontak ds Barrie Oberholzer by 082 211 7926 of bosrumoer@gmail.com
<http://www.bosrumoer.co.za>
- **Saterdag 29 September om 09:00: Gemeente Leeudoringstad**
Doringfees
Gaskunstenaar Sorina die Flooze
Navrae aan gemeentelike kerkkantoor by 018 581 2055
of nhkleutjies@nwet.co.za



- **Saterdag 29 September: Gemeente Coligny: Wielefees**
Grootste ontbytrit nog in die Noordweste
Veteraanmotors, nuwe motors, omgeboude karre en motorfietse
Langs hoofpad by Shell Ultra City uitgestal
Stalletjies met gebak, burgers, geroosterde toebroodjies, worsbroodjies, roerbraai
Verfbal, skyfskiet, springkasteel
Kom probeer die meganiese bul ry!
Kontak Jan Haywood (motorinskrywings en uitstallings) by 084 514 7050
of Jan Jordaan by 083 468 6700 vir algemene navrae en rigtingaanwysings
- **Vrydag 26 Oktober vanaf 09:00: Gemeente Piet Potgieter op Potgietersrus Jaarlikse Kersmark**
Unieke Kersgeskenke en 'n middag- en aandete
Gebak en speletjies vir die kinders
Skakel Anna by 084 580 7050
- **Saterdag 27 Oktober: Gemeente Kempton Park-Oos Bosveld Kontreifees**
09:00 tot 17:00
Verskeie uitstallers, kosstalletjies, pret vir kinders, potjiekoskompetisie
Mnr & Mej Kontreifees
Gaskunstenaar Thys die Bosveldklong om 14:00
Toegang R10 per persoon
Kontak ds Anneline Geyer by 082 924 7344
- **Saterdag 3 November en elke eerste Saterdag van die maand daarna Gemeente Rustenburg: Gesinsmark**
09:00 tot 15:00
By tweede kerkterrein te Rhenosterfontein, buite Rustenburg
Slegs handgemaakte produkte, vars produkte uit die grond en items wat Trots Suid-Afrikaans is
Gaskunstemaars, aktiwiteite en stalletjies wat kinders betrek
Nog enkele stalletjies beskikbaar
Vir meer besonderhede, kontak Mari by 084 208 7445

ANDER NUUS

- **PROJEK SONSKYN.** Transoranje-skool vir Dowes het 'n dowe dogter wat nuwe **gehoorapparate** benodig. Behalwe haar doofheid, ly sy ook aan 'n ernstige hartdefek. Donasies is reeds ontvang, maar daar kort nog 'n bedrag van R3 420 om haar te help. Donasies kan gestuur word aan die Transoranje Instituut, Posbus 2921, Pretoria 0001, of gedeponeer word in die volgende rekening: **Transoranje Instituut; ABSA; rekening nommer 020 840 145; kode 323 145; verwysing: Gehoorapparaat.** Die doel van Projek Sonskyn is om behoeftige kinders met 'n gestremdeheid 'n gelyke kans te bied.
- **Die Ondersteuningsraad (OSR) se kamp vir minderbevoorregte tieners en pleegkinders** vind van 30 September tot 5 Oktober te Mooikrans Equus in Amersfoort plaas. Die opgewondenheid by die kinders loop hoog en die slapies word afgetel! Baie dankie aan alle lidmate, gemeentes, Ringsdiakensvergaderings en NHSV-takke wat reeds bygedra het om hierdie kamp moontlik te maak. Talle bydraes is ook van anonieme donateurs ontvang, waarvoor ons baie dankbaar is. Daar word nog R20 000 benodig om alle koste te dek, en ons vertrou dat die *beloftes* wat reeds gemaak is, in hierdie behoefte sal voorsien. Persone wat behoefte het om 'n **kind te borg teen R850**, is welkom om steeds 'n bydrae te maak. Die bankbesonderhede is soos volg:
Die Ondersteuningsraad; ABSA tjekrekening nommer 000 602 795; takkode 323 345; beskrywing: Kampfonds.





- **BYBELGENOOTSKAP**
 - **SEPTEMBER: 30 DAE VAN GEBED**
Vir vertalingswerk van Wêreldbond van Bybelgenootskappe
 - **SONGS OF PRAISE**
Met Richard Cock en massakoor
Saterdag 29 September om 19:30: Kapel van Kearsney-kollege
Sondag 30 September om 15:00: Pietermaritzburg-katedraal
 - **LEKKERSTAP VIR BYBELS**
Saterdag 29 September saam met Upington Toyota
Kalahari-kuierfees in Upington
Spring weg om 09:00
1 km- en 5 km-roete begin en eindig by Die Eiland
Donasies vir Bybelverspreiding welkom
 - **GHOLFDAG: Dinsdag 9 Oktober**
Gelyktydige begin 11:00 te Serengeti-gholfklub
Betterball Stableford: R3 000 per 4-bal (sluit aandete in)
Kontak Jenene Bernhardt by 011 552 7208
of jenene@serengeti.co.za
Navrae oor al die projekte aan biblia@biblesociety.co.za

- **VAKATURES VIR ONDERWYSPOSTE**
Privaatskool met 210 leerlinge
100 km noord vanaf Polokwane, Alldays-rigting
 1. Onderwyser in Engels (Tweede Taal) grade 8-12
 2. Onderwyser in Wiskunde
Basiese onderwyskwalifikasies – Wiskunde vir graad 12**Aanvangsdatum: Januarie 2013**
Posvereistes:
 - Erkende onderwyskwalifikasie noodsaaklik;
matriekondervinding sal voordeel wees
 - Bewese ondervinding in aanbieding van die vakke
 - Beginselvaste, belydende lidmaat van een van dié 4 Kerke:
Hervormd, Gereformeerd, NG, APK
 - Getuigskrif van predikant
 - Onderrig in AfrikaansVerblyfeenhede op perseel vir gebruik van personeel
Wanneer alle eenhede vol is, sal ander verblyf gereël word
Stuur CV en getuigskrif van predikant na global@workforceworldwide.com

- **BEELD-KINDERFONDS 2012**
Kaartjies vir die kompetisie om fondse vir die versorging van kinders in te samel, kos **R25** elk, waarvan R12,50 aan elke deelnemende welsynsorganisasie terugbetaal word. Onder andere 'n Peugeot 107, 'n seereis op MSC Sinfonia, 'n vakansie by Go Wild Resorts asook R50 000 in kontantpryse kan gewen word. Kaartjies is beskikbaar by **die Ondersteuningsraad** se kantore asook by hul hoofkantoor en die Sinodale Kerkkantoor in Pretoria. Kontak Ansie Cromhout of Susan Moore by 012 322 8885.

- **BEELD-KINDERFONDS KERKONSERT**
Woensdag 28 November
Moreletapark-gemeente
Juanita du Plessis, Manie Jackson, Joe Niemand, Nadine en ander
Bespreek by iTickets.co.za of per telefoon by 086 100 0291

- **ADVERTENSIES** waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die **e-Hervormer** geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die

advertensie voorsien word, moet dit **verkieslik nie groter as 'n standaard besigheidskkaartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na produksie@nhk.co.za. GEEN advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R150 per plasing (BTW ingesluit).**

Die verskuldigde bedrag moet uitgemaak word aan:
Raad van Finansies
ABSA tjekrekening nommer 020-000-287
Takkode 632-005
Verwysing: u naam + e-Hervormer Ads

AGTERBLAD

Kerkbybel

SENTIK het 'n besending Kerkbybels (nie-luukse uitgawe) ontvang wat van Oktober tot Desember 2012 teen die spesiale prys van R100 elk te koop sal wees (solank voorraad hou).

Die Kerkbybel sal van Januarie 2013 weer teen die gewone prys van R200 verkoop word.

Dit is die 1983 Nuwe Afrikaanse Vertaling, met die Liedboek in grootdruk en die Belydenisskrifte agterin. Hierdie is die ideale Kersgeskenk, veral vir ouer gebruikers. 'n Standaarduitgawe van die Liedboek kos tans R130, en 'n standaarduitgawe van die Bybel (Nuwe Vertaling) R115.

*** Die Kerkbybel kan teen **R100** (posgeld uitgesluit) van mev Susann van Zyl van SENTIK se boekwinkel bestel word. Kontak mev Van Zyl by 012 322 8885 x291, faks 086 633 4054 of e-pos sentik@nhk.co.za.

